

# (The Good News Message – Punjabi)

## خوشخبری دا سنیہاں

یسوع جیوندا اے۔ یسوع مریا تے دوبارہ جی اٹھیا۔<sup>1</sup> یسوع واپس آریا اے۔<sup>2</sup> صرف یسوع ای آسمان اتے جان دی کلی راہ اے۔<sup>3</sup> یسوع مکتی دیندا اے۔<sup>4</sup> یسوع ہر کم کرن دے قابل اے جیہڑا لوقا 4باب وچ بیان کیتا گیا اے۔<sup>5</sup> یسوع اک بادشاہ اے تے اوہدی اک بادشاہت اے۔<sup>6</sup> ایس بادشاہت وچ اڑن دی کلی راہ نوین سرے توں جمن اے۔<sup>7</sup>

یسوع صلیب اتے مریا تے اوہنے ہر پاپ اپنے بدن اتے لے لیا۔ اوہدے کوڑے کھان نال اسان شفا پائی۔<sup>8</sup> اوہنے ساڈے ساریاں لئی بوہت دکھ اٹھایا، تاں جو اسی اہوندے نال ہمیش لئی ابدیت وچ رہئے۔<sup>9</sup> رب نے جگ نال اجیہا پیار رکھیا پئی اوہنے اپنا پلوٹھا پتیریسوع ساڈے بدلے مرن لئی گھلیا۔<sup>10</sup> رب جان دا سی پئی اسی ایہہ مل ادا نئیں کر سگدے۔ مل بوہت زیادہ سی، تے اسان رب دے معیاراں اتے کدی پورے نئیں اتر سگدے۔<sup>11</sup> ایسے لئی یسوع آیا۔

یسوع متجسد ہویا کلمہ اے۔ یسوع انسان بنیا۔<sup>12</sup> یسوع ایس دھرتی اتے ٹریا، اور اوہنے اپنے بدن اتے پیڑ تے رد ہون دی ہر صورت نوں برداشت کیتا۔<sup>13</sup> اوہنوں رد کیتا گیا تے دکھ دتا گیا۔ کوئی اوہدے ول تکنا وی نئیں چاندا سی<sup>14</sup>، فیر وی اوہنے ساڈے لئی بوہت وڈا کم کیتا: اوہنے رب دے نال دوبارہ ساڈا ملاپ کرایا۔ جو کجھ یسوع نے ساڈے لئی کیتا اوہدے پاروں ساہنوں رب توں ہور دور رہن دی لوڑ نئیں۔ یسوع مر گیا تاں جو اسی رب دے نال شراکت رکھ سکئے۔<sup>15</sup> یسوع مر گیا تاں جو اسی حیاتی پائیے۔<sup>16</sup> یسوع دے راہیں اسی ہمیش دی حیاتی پائی۔<sup>17</sup> یسوع دے راہیں ساہنوں پاپاں دی معافی ملی۔<sup>18</sup> اوہ لوک جیہڑے یسوع اتے ایمان رکھدے نیں اوہ حقیقت وچ کدی نہ مرن گے، کیوں جو یسوع ای حیاتی دیندا اے۔<sup>19</sup> یسوع اوہناں ساریاں نوں حیاتی دیندا اے جیہڑے اوہدے اتے ایمان رکھدے نیں۔<sup>20</sup> تے ایہہ ہمیش دی حیاتی اوسے ویلے شروع ہو جاندی اے جدوں تسی اوہنوں اپنے دل وچ دعوت دیندے او۔<sup>21</sup>

تہانوں آسمان اُتے جان لئی چنگے کم یا عمل کرن دی لوڑ نئیں۔<sup>22</sup> تسان بس ایہہ کرنا اے پئی یسوع اتے ایمان رکھو۔ اوہدا ناں لو۔ اوہدے توں دعا کرو پئی اوہ تہانوں مکتی دیوے۔ اوہدے توں منگو پئی او تہانوں چھٹکارہ دلاوے۔ اوہ ایتھے اے۔ اوہدا روح ایتھے تہاڈی مدد کرن لئی اے۔ خداوند دا ناں لو۔ یسوع دا ناں لو، تے تسی مکتی پائو گے۔ کیوں جو جے تسی اپنے مونیوں اقرار کردے اوپئی یسوع خداوند اے تے اپنے دل توں ایمان رکھ دے او پئی رب نے اوہنوں مردیاں وچوں جوایا تے تسی مکتی پائو گے۔<sup>23</sup> تہانوں ہمیش دی حیاتی ملے گی۔ تسی رب دے بال، رب دی بادشاہی دے واسی بنو گے۔<sup>24</sup> رب دی بادشاہی ہمیشہ دی اے۔<sup>25</sup> رب دی بادشاہی بن ایتھے اے تے اوہناں ساریاں لئی دستیاب اے جیہڑے یسوع نوں رب تے مکتی داتا دے طور تے قبول کردے نیں۔ یسوع ای آسمان اُتے جان دی کلی راہ اے۔ آسمان بیٹھاں کوئی دوجا ناں نئیں جیدے راہیں اسی مکتی پائے۔<sup>26</sup>

اک دن یسوع واپس آوے گا۔ اوہ دوبارہ واپس آرہیا اے۔<sup>27</sup> تے اک دن اوہ ایس دھرتی اُتے بادشاہی تے حکومت کرے گا۔<sup>28</sup> عزیزو! ایہہ سنیہاں تہانوں ڈراون لئی نئیں اے۔ ایہہ سنیہاں تہانوں ایہہ دسن لئی اے پئی ویلا محدود اے تے یسوع دی دوجی آمد نیہڑے اے۔ یسوع مسیح دوبارہ واپس آوے گا۔<sup>29</sup> میں ”دوبارہ“ ایس لئی آکھیا کیوں جو اک واری اوہ بالک دی شکل وچ آیا سی پر دوجی واری جدوں اوہ آوندا اے تے ایک فاتح بادشاہ وانگوں آوندا اے۔<sup>30</sup>

پیارے دوستو، تیاری کرن دا ایہہ ای ویلا اے۔ ہن سنن دا ویلا اے۔ ایہہ ای ویلا اے۔ اپنے دل نوں سخت نہ کرو۔ رب دے خلاف بغاوت نہ کرو۔<sup>31</sup> اج مکتی دا دیہاڑا اے۔<sup>32</sup> اپنے ای اک لمحہ لو تے اپنے آپ نوں رب دے حوالے کرو۔ اوہنوں اپنی حیاتی دے دو۔ اپنے آپ نوں اوہدے حوالے کر دو۔ اج اوہ ایتھے تہاڈے لئی اے۔ اوہنوں شفا دین دا گہرا کم کرن دی اجازت دو، تہاڈے من دی شفا تے تہانوں سارے پاپاں تو پاک کرن دا کم۔ اوہ ایہہ کرن دے قابل اے۔ اوہ ایتھے اے ائو مل کے دعا کرئیے:

سوہنے یسوع، میں تیتھوں مدد منگدا واں پئی میرے سارے پاپاں نوں معاف کر۔ میں تیرے ولوں منہ موڑ لیا سی پر ہن میں تیرے کول آونا واں۔ مینوں ساری ناراستی توں پاک کر۔ مہربانی کر کے مینوں

شفا دے۔ مینوں میری حیاتی دے ہر موڑ تے شفا دے۔ سب توں ودھ کے، مہربانی کر کے میرے اندر  
وسن لئی آ۔ میں تینوں جاننا چاونا نواں۔ میں تیرے نال رشتہ بنانا چاوناں واں۔ میں تیرا واں۔ میرے ربا،  
میرے بادشاہ، میں ہمیش لئی تیرا واں، تے میرے باقی دیہاڑے بس تیری سیوا کرن دا ارادہ چاوناں واں۔  
اے رب، میرے لئی مرن تے مینوں مکتی دین لئی تیرا شکر یہ مین اوہ سب کجھ حاصل کردا واں جو  
میرے لئی تیرے کول اے۔ میں ہمیش لئی تیرے نال رہن دا خواہشمند آں۔ آمین۔

عزیز بھراو تے بہنو! ہن تسی اے دعا کیتی اے تے یسوع نوں اپنے دل وچ ایمان نال قبول  
کیتا اے تے ہن تسی مسیح وچ نویں مخلوق او۔<sup>33</sup> ہن تسی پہلاں ورگے نئیں او۔ ہن تسی  
پہلاں ورگے نئیں او جیدان کجھ منٹ پہلاں سی؛ ہن یسوع تہاڈے دل وچ اے۔<sup>34</sup> کئی سوہنی  
گل اے پئی پاک روح تہاڈے نال اے۔ ہاں جی، پاک روح تہاڈے نال اے۔ اوہ تہاڈی راہنمائی  
تے ہدایت کرے گا اوہ اپنی سچائی دے نال تہانوں راہ وکھاوے گا جیہڑی رب ولوں آوندی  
اے۔<sup>35</sup>

ہن کجھ اجیہے کم نئیں جیہڑے تساں کرنے نئیں: بلا ناغہ رب دا کلام پڑھو۔<sup>36</sup> بائبل لو تے  
یوحنا دی انجیل توں شروع کرو۔ رب دا کلام پڑھو تے اوہدا مطالعہ کرو کیوں جے ایہہ  
تہاڈے دماغ نوں بدلے گا۔<sup>37</sup> اک ہور کم: ہر روز رب کولوں دعا کرن دا ویلہ کڈو سننا وی  
سکھو۔ ایہہ شراکت اے۔ اوہدے نال ویلہ ننگاندیاں ہوئے اوہدیاں گلاں سنن دا ایہہ اک عمل  
اے۔<sup>38</sup> اوہ تہاڈے نال گل کرنا چاوند اے، ایس لئی تہانوں سننا وی سکھنا چاہیدا اے۔ اوہناں  
ساریاں کماں توں دور رہو جیہڑے مسیح دی نکاتی کردے نئیں۔ پاک روح توں مدد منگو  
پئی اوہ تہانوں اجیہی تہاں مہیا کرے جتھے تسی یسوع دے بارے وچ بوہتا سکھ سکھو۔<sup>39</sup>  
میں بوہت خوش آں پئی ساہنوں اکٹھے رہن لئی ایہہ ویلہ ملیا اے۔ میں بوہت خوش آں پئی  
تسی اپنی حیاتی رب نوں دتی اے۔ تسی فیر کسی پہلاں ورگے نہ ہونا۔ ساڈے رب تے مکتی  
داتا یسوع مسیح دے علم تے فضل وچ ترقی کرو۔<sup>40</sup>

1 مکاشفہ 1:18

2 یوحنا 14: 2, 3

3 یوحنا 6:14

4 اعمال 12:4

5 لوقا 4: 18, 19

6 یوحنا 18: 36, 37

7 یوحنا 3: 5, 6

8 یوحنا 19: 30, 1 پطرس 2:24

9 یسعیاہ 53: 3, 4

یوحنا, 3:16, 3:13 گلتیوں	10
رومیوں, 24, 3:23	11
یوحنا 1:14	12
عبرانیوں 4:15	13
یسعیاہ 53:3	14
رومیوں, 5:10, 5:19-22 کلسیوں	15
یوحنا 10:10	16
یوحنا 10:27-30	17
یوحنا 2:2	18
یوحنا 11:25, 26	19
یوحنا 5:11-12	20
رومیوں 10:9-10	21
افسیوں 2:8-9	22
رومیوں 10:9-10	23
یوحنا, 3:3, 3:20, 21 فلپیوں	24
دانی ایل, 4:3, 4:3, 33, 1:32	25
اعمال 4:12	26
مکاشفہ 1:8	27
زکریاہ 9, 14:4	28
مکاشفہ 13, 22:12	29
مکاشفہ 1:5	30
عبرانیوں 3:15	31
2 کرنتھیوں 6:2	32
2 کرنتھیوں 5:17	33
گلتیوں 4:6	34
یوحنا 14, 16:13	35
2 تمیتھیس 2:15	36
عبرانیوں 4:12	37
یوحنا 10:27	38
یوحنا, 14:15-17, 10:25 عبرانیوں	39
2 پطرس 3:18	40